



Te Avae Tiurai 1960

TE HEHEURAA API

La Mission de l'Eglise et de Ses Membres

Si l'on demandait à chacun de nous, en ce moment, de traduire en une phrase le trait le plus caractéristique de l'Eglise de Jésus-Christ des Saints des Derniers Jours, quelle serait votre réponse? La mienne serait la suivante: "L'autorité divine par révélation directe."

Certains prétendent à l'autorité par la succession historique, d'autres d'après les Ecritures, mais cette Eglise se distingue par une nette affirmation que l'autorité de la prêtrise est venue directement de Dieu le Père, et du Fils, dans la révélation faite à Joseph Smith.

Fondés sur ce principe, accepté comme évangile absolu, nous avons clairement établi dans notre pensée certains principes fondamentaux:

D'abord, que Dieu est un Etre personnel.

L'acceptation de l'autorité divine par révélation directe nous révèle également le fait que Jésus-Christ est le Fils Unique conçu dans la chair, car le Père, en apparaissant à Joseph Smith, affirma nettement: "Celui-ci est Mon Fils bien-aimé, écoutez-le!" (P. de G. P., Joseph Smith 2:17.)

Un autre fait fondamental, se rapportant à cette révélation, c'est que le Seigneur s'intéresse à Son peuple, que toute la famille humaine est apparentée, formée de Ses enfants, et qu'Il l'aime. En outre, Il a autorisé les hommes à officier parmi les enfants de ce monde, afin de les ramener en Sa présence. Le Père et le Fils sont apparus à Joseph Smith et ont restauré l'autorité d'établir le royaume de Dieu sur terre.

La glorieuse mission de l'Eglise est de proclamer la vérité de l'Evangile restauré; d'élever la société, afin que ses membres s'associent plus amicalement les uns avec les autres; de créer dans nos communautés un milieu sain, où nos enfants puissent trouver la force de résister à la tentation et des encouragements pour s'efforcer d'acquérir des valeurs culturelles et spirituelles. L'Evangile est une philosophie rationnelle, enseignant aux hommes à obtenir le bonheur en cette vie et l'exaltation dans la vie à venir. (à suivre)

Te Faariiraahia o te Tavana Rahi e te Ekalesia i Takaroa.

I teie na ava'e i mairi a'enei, ua tapae te manu reva o te Tavana Rahi i Takaroa, na roto i to'na tere na te Tuamotu. Ua tihia'itu oia e te hoê "kau", ma te apeechia e na vaa e maha o tei faaunauna roa hia no te apeeraa ia'na. I to ratou tapaeraa mai i te uahu ra, ua faariihia mai ratou e te Tavana Mataeinaa e ta'na apooraa, te Mutoi Farani, e na Orometua, oia hoi, o Refa raua o Maina Haumatagi â Hutihuti, Ua faaheihia ratou e te hoê na tamahine, e arataihia'tura ratou i te fare hau. I reira to te hui-raatira faariiraa mai ia'na, na roto i te mau himene, e te mau tao'a aroha. I reira ua faaite mai te Tavana Rahi i to'na mana'o haamauruuru i te hui-raatiraa e i reira to'na faaiterara i to'na mana'o tumu mau, oia hoi no te imiraa i te mau ravea no te oraraa fana'o o to tatou mau tamarii, oia hoi, ia faarahi i te mau faapu haari ei maitai no to tatou mau huaai i muri a'e. I te hora 12 i te avatea ua haere atu te Tavana Rahi e te feia mana e te hui-raatira atoa i te fare putuputuraa a te Ekalesia ia faariihia oia e te Amaa Takaroa o te Ekalesia nei.

A tae atu ai te Tavana Rahi i te uputa o te fare putuputuraa ra, ua himene mai te pûpû himene i te Marseillaise. Haere atura te Tavana Rahi i te vahi i faataahia e i reira to'na faarii poupu raahia e te mau melo o te amaa ra. Ua haamatahia te mau ohipa na roto i te himene na te pûpû himene e te hoê pure. Tia maira te orometua ra o Refa i nia ei auvaha parau no te Ekalesia, e ua faaite atu oia i to ratou mana'o papu e te oaoa i te faariiraa i te Tavana Rahi e te feia maua tei apee mai ia'na ra, e to ratou hoi hinaaro i te anraro maite ia'na e tae noa'itu i te feia mana atoa o to tatou Hau Metua nei. I reira ua haamatahia te hoê mau ohipa faaoaoaraa. Ua hauti mai te pûpû "kapa" a te mau vahine, e te pûpû a te mau tane i ta ratou mau hautiraa, e ua ori te hoê tamahine i te tabi ori Waihi, ua himenehia te mau himene huru rau, e i te otiraa te reira, tia maira te Peresibutero ra, o Louis Ahron ei auvaha no te pupuraa'itu ite mau tao'a aroha na te Tavana Rahi na roto i te re'o Farani, e ua afaihia'itu te reira e te mau tamahine apî o te amaa. I reira, tia maira te Tavana Rahi, ma te oaoa e ua faaite mai i to'na mauuruu rahi no taua faariiraa nei, o tei faatupuhia e teie nei Ekalesia, e ua faaitoito faahou oia ia ratou ia imi i te mau ravea ia maitai

te mau huaai a muri a'e. Faaotihia'tura te faariiraa na roto i te himene e te pure e na haere te mau melo e te mau hoa atoa e aroha i te Tavana Rahi e te feia mana atoa, e ho'i atura te Tavana Rahi i te fare hau ma te apeehea'tu e to te Ekalesia e te huiraatiraa paatoa.

"Te ani onoono nei râ vau, i te matamua roa, ia haapaohia te taûraa, te pureraa, te aniraa e te haamaitairaa no te taata'toa: No te hui arii, e te feia mana'toa ra; ia parahi tatou ma te hau e te atuatu-ore, ma te paieti e te peu mâ i te mau mea'toa ra. E mea maitai hoi te reira e te au, i mua i te aro o to tatou Faaora, o te Atua." Timoteo I, 1:1-3.
"E auraro outou i te toroa a te taata atoa i te Fatu nei; i te arii ra ei nia iho roa ïa, e te mau tavana ra, ei feia tonohia e ana ei tahoo atu i te feia i rave i te ino ra, e ei haamaitai i te feia i rave i te maitai ra." Petero I, 2:13-14.

Maina Hutihuti

O Iuda Isakariota.

(Ioane 12 - Mataio 26-27 - Ohipa 1:18.)

No roto o Iuda Isakariota i te pŭpŭ Aposetolo e Hoê Ahuru e Ma Piti ra. Riro atura oia ei taata ino, e i te hopea ua haavare atu oia i te Faaora, e faatupu ihora oia i to'na ra poheraa.

Ua maitihia o Iuda i te haamataraa ia riro oia no roto i te Ahuru e Ma Piti ra i roto i ta te Fatu raveraa ohipa. Ua horoa'toa hia ia'na, mai i te tahi pae ahuru e ma hoê ra, te mana no te ra'i mai no te poro atu i te evanelia i rotopu i te mau taata, ia faaora i te feia tei pohehia i te ma'i, ia tiavaru ê atu i te mau demoni, e i te rave atoa hoi i te tahi atu â mau ohipa no reira i maitihia te mau Aposetolo ra.

I roto i na matahiti e toru to te Fatu raveraa i te ohipa, ua haere noa Iuda na muri ia'na e te tahi pae o te mau pîpî

ra. Ua ite oia i te pae rahi o te mau semeio tei ravehia e te Faaora, e ua faaroo atoa hoi oia i ta'na mau haapiiraa rarahi. E noa'tu ra i te reira, riro atura oia ei taata hara i roto i to'na ra aau.

Ua nounou roa o Iuda i te moni. Ua maitihia oia ei taata haapao i te pute o te mau taata tei apee atu ia Iesu, e ua na ô mai te mau papairaa mo'a e, e taata eiâ oia, ma te faaite mai e, e tia noa ia'na ia rave i taua moni ra na'na iho. I te taima a faatavai ai o Maria ia Iesu i te mono'i hoo rahi, ua patoi atu Iuda i taua ohipa ra, e ua hinaaro oia ia hoochia'tu taua mono'i no'ano'a ia rahi mai te moni i roto i te pute ta'na e haapao ra.

No te rahi o to'na nounou i te moni, e tia noa ia'na i te rave noa'tu i te huru o te ohipa ia noaa mai te reira ia'na. I to'na faarooraa e, te imi ra te mau tahu'a rarahi, e te mau papai parau, i te ravea no te haapohe i te Faaora, haere atura Iuda e farerei ia ratou e na ô atura oia, "*Eaha ta outou e horoa mai na'u, e na'u oia e tuu atu ia outou?*"

Ua ite Iuda e, ihea ra te Fatu e parahi ai a vai ai oia i roto i te oire i Ierusalem. Ua ite atoa hoi oia e, e mea pinepine to Iesu haereraa i roto i te hoê ô, tei parauhia o Getesemane, no te pure atu. Ua mana'o oia e, e mea ohie na'na ia aratai atu i te mau ati Iuda ia'na ra i reira, ia tia ia ratou ia haru mai ia'na ra.

Aita roa te mau ati Iuda i mana'o e, e tauturu mai te hoê o te Ahuru e Ma Piti no te faaoti i te ohipa a Iesu ra. Te na ô maira te papairaa mo'a e, "*Ua mauruuru roa ratou,*" e ua faatia ratou e, e horoahia ratou, na'na, te tahi maa moni. Te rahiraa o te moni i horoahia na'na, ua tae ia i te torn ahuru moni ario, o te tae to ratou faufaa, ia tauihia i teie nei, i te 360 tara moni Farani. O te moni ia e aufauhia ra e to Roma no te hoê tîti i taua mau mahana ra.

Fafau atura Iuda, i te mau ati Iuda e, e aratai atu oia ia ratou ia Iesu. Mai te mea ra e, aita paha te tahi pae o ratou i ite mata'tu ia Iesu, e no reira ia vai ihoa te tahi taata no te faaite atu ia'na ia ratou.

No te rahi o to Iuda paruparu aita i tia ia'na ia haavare faaite noa'tu i te Faaora. Ua titau oia ia hi'o noahia mai oia, e te Fatu, ei hoa no'na ra. No reira faaau atura oia i te parau no te hoê tapao, e te mau ati Iuda ra. Parau atura oia ia ratou e, o te taata ta'na e haere e ho'i atu, o te Faaora ia, i muri a'e i to'na aratairaa'tu ia ratou ia'na ra, o te taata ta'na e ho'i atu ra, o Iesu ihoa ia.

Te mätä'u noa ra te mau tahu'a rarahi i te mau taata tei here atu ia Iesu. Te mätä'u atoa ra ratou o te faatupu te tapearaa ia Iesu i te hoê orureraa hau, e i reira e tupu ia to ratou peapea e te Tavana Roma o tei faatere i nia a'e ia ratou ra. No reira faatia'tura ratou i te pee atu ia Iuda i te O i Getesemane ra, no te mea eita e rahi te taata te ite mai i te haruraa o Iesu ra.

Marcel Bonnet

Te Fai i te Parau Mau

Mataio 5:16.

“Oia atoa to outou maramarama ia anaana ia i mua i te aro o te taata nei, ia hi'o ratou i ta outou parau maitai, e ia haamaitai i to outou Metua i te ao ra.”

E rave rahi mau taime, to'u farereiraa i teie nei huru taata, e o teie ta ratou tuuraa parau, e haapaoraa moni roa te Momoni, area' râ, ua huru fifi ia haa maramarama ohie atu ia ratou i taua taime poto ra. Area ra, ahiri to ratou mau taata faatere i tatara maitai i te mau parau o te Bibilia ia ratou, e ite ia ratou e, o tera ia te tumu e roaa ai te mau haamaitairaa rahi i te haapaoraa Momoni.

Area ra, mai te mea e, e horoa'tu oe i te hoé huero moa na te hoé hoa no te amu, e na reira ihoa oia, area ra, aita roa oia i ite e no tei hea moa teie huero, ua ite ra oia e, no te

moa ovahine teie huero, aita atoa oia i ite e moa ereere anei, e aore ra, no te moa uouo anei, no te moa oviri anei, aore ra te moa faamu, ua ite roa oia e, e huero moa mau teie. Area te taata tei horoa'tu na'na ra, tei ana ia te ite no te reira.

“Te farara nei te mata'i i ta'na vahi i hinaaro ra, e te ite ra oe i to'na haruru, aita rá oe i ite i te vahi no reira mai oia ra, e te vahi e haerehia'tu e ana ra,” Ioane 3:8.

E tatara atu ia vau i ta tatou parau. A tai'o ana'e ia tatou i te Bibilia, i te Marati 3:10 e teie to'na tai'oraa, *“Hopoi mai na outou i te ahuru atoa o te mau tao'a i roto i te fare vairaa, ia maahia tau fare nei, e tamataraa te reira ia'u nei, te parau maira Iehova sabaota ra; i te orerua vau i te iritiraa i te mau haamaramarama o te ra'i ra, a ninii atu ai i te tao'a rahi roa ei maitai no outou.”*

E no reira te haapao nei te Ekalesia a Iesu Mesia i teie nei mau faaueraa, e te boroa nei, i te ahururaa o te mau tao'a i roto i te fare vairaa, a te Atua, oia hoi, te Ekalesia i nia iho i te fenua nei, no te mea no te Atua iho te fenua e tei nia iho tatou. Salamo 24:1. E no reira, aita roa te reira tufaa ahuru e ravehia, maori ra, no te paturaa i to te Atua mau fare haamoriraa i te fenua nei, e no te faaueraa a te Fatu o tei na ô mai e, eiaha roa outou e poro i te Evanelia e e rave i te moni ei taime no outou, Mataio ~~19:28~~ **19:28**, e no reira te poro nei e raverahi mau Orometua Moromona, e ua ahuru matoru tauatini, te poro nei i te Evanelia mate MONI ORE, e tae noa mai ia matou, mai te mau orometua tiaí amaa paroita i te mau vahi atoa o te ao nei, tei parauhia e mau Peresideni Titi, e te mau Peresideni Amaa, aita e MONI, ia au i te re'o o te Fatu, ahiri te mau Orometua e te mau Peresideniraa ua rave i te MONI ei taime no ratou ua riro ia te ohipa a te Atua ei ohipa mure noa, e ua riro atoa oia mai te taata tei ore i ite e nofea mai teie huero moa, Iaorana.

Marurôi á Mahuru Peresideni amaa no Paeca

Te Mo'eraa o te Ekalesia a Iesu Mesia I Nia I Te Fenua Nei.

Ua haamau, e ua faatere hoi Te Faaora, a ora'i Oia i nia i te fenua nei, i Ta'na ra Ekalesia. (Ephesia 1:22; 2:19.) Na muri a'e i To'na tia faahouraa, ua aratai noa â Oia i te reira. (Mataio 28:19-20; Ioane 14:6.)

Ua maiti hoi Iesu, Oia te Tamaiti a Te Atua Ora ra, i te mau aposetolo matamua ra, horoa atura Oia ia ratou i te mana ia poro-haere i te Evanelia, e ia bapetizo i tei faaroo e i tei tatarahapa ra. (Mareko 3:14; 16:9-20.) Ua riro te mau aposetolo ra, ei ite no nia i te mau mea ta ratou ra i ite mata, e i ta ratou hoi i faaroo ra. (*Luka* 24:48.) Ua ite hoi ratou i te Mesia tei tia faahou mai. (*Luka* 24:36-39), e oia atoa, ua farii ratou i te horoaraa o te Varua Maitai ra, i te maha-na Penetekose ra. (Ohipa 2.) Na te Varua Maitai hoi te mau taata i maiti no te mau toroa ra, (Ohipa 13:2), e Na'na hoi ratou i aratai i roto i ta ratou mau ohipa atoa. (Luka 12:11-12.) E na taua ihoa Varua ra, te mau beheuraa e rave rahi i horoa mai.

No te mau hamani-ino-raa i Ierusalema ra, purara-ê-atura te mau aposetolo i tera fenua e i tera fenua, e no te tamau-maite raa i taua mau hamani-ino-raa ra, aita atura i tia ia amui-faahou ratou, mai ta ratou i amui no te mau apooraa i Ierusalema ra.

O te mau toroa i nia'e i te Ekalesia taatoa ia tei maitihia na mua. Oia hoi, te matamua ra, o te aposetolo ia, te piti, o te mau toroa ia no te tia i te vahi hoê ra, oia hoi, te mau haapii, te mau episekopo, te mau peresibutero, e te mau diakono, etc. Ua maitihia taua mau toroa no te vahi hoê ra, mai te au hoi i te tupuraa o te mau ekalesia oia hoi te mau amuiraa, i tera vahi e i tera vahi.) (Korinetia I, 12:28; Ohipa 14:23; Tito 1:5-7.)

Na te mau aposetolo te mau i'oa o te taata tei mana'ohia no te toroa episekopo, i tuu mai. Hou râ, e tia'i ia'na i te faaahipa i taua toroa ra, ua fariihia ia oia, e te amuiraa, na roto i te afairaa i te rima i nia.

Ia ora noa ra te hoê aposetolo, e rave noa ra ia oia i te ohipa faatereraa o te hoê toroa i nia'e i te ekalesia taatoa. (Ephesia 2:20.) Ua faatupu Petero i te mau apoora i Ierusalem ra, e ua faatere hoi oia i taua mau apoora ra, mai te au i to'na tiaraa faatere i nia'e i te ekalesia atoa. (Mataio 16:19.) Ua haamauhia e ua faanahonahohia te mau ekalesia i Asia e Ioane Pîpîhere ra. No reira oia i papai atu ai ia ratou ra. (Apokalupo 1:4.) Ua ite-mau-hia to Ioane pîpîhere mana ei aposetolo i nia'e i te Ekalesia taatoa, e te Atua, na roto i te horoaraa i te mau heheuraa e rave rahi ia'na ra, e eiaha i te vetahi atu mau taata toroa no te vahi hoê ra, mai te mau episekopo o tei faatere i te hoê mau ekalesia (amuiraa) mai tei itehia i Korinetia e i Roma ra.

Na muri i to Ioane Pîpîhere moeraa, aita atura e mana no te faatereraa i te Ekalesia taatoa. Ua vai noa ra te feia toroa no te mau oire, aita râ e feia toroa no te faatere i te Ekalesia taatoa. I te matamua, ua ite te mau melo o te ekalesia i te hoê tahoêraa. Oia hoi, e mau "taeae" hoi ratou, e e mau "feia mo'a" hoi ratou, e te vai noa ra te tahoêraa o te faaroo tei faatupuhia e te mau aposetolo ia ratou. Area ra ua haamata ê mai na te mau taata i te faarue i te faaroo e i te evanelia tei a'ohia e te mau aposetolo ra. Ua i te mau Episetole o te faufaa apîi te mau parau faaitoito i te mau taata tei haamata, i te tapea i te mau haapiiraa ruri-ê-hia. (Galatia 1:6-7; Tesalonia II 2:3) Ua taiva noa ra te mau taata, a ora noa'i te mau aposetolo, e ua tamata noa ra te mau aposetolo i te faaore i te reira. Area ra, i te taime i moe ai te aposetolo hopea ra, ua ore te niu papu o te ekalesia, e ua ore taua ravea ra no te tapearaa i te mau melo i roto i te faaroo hoê. (Ephesia 2:19-21; 4:11-14) No reira i

papai ai te hoê taata tei ora i taua anotau ra e, "Ua itehia te faaroo Cheresitiano ra, ei ekalesia o te "mau ekalesia" tei haapurara-ê-hia i rotopu i te aanoraa o te ao nei."

E no reira, i te taime i moe ai te mau aposetolo ra, aita atura e mana i nia i te fenua nei ra, no te faatupuraa i te hoê amuiraa, e aore ra i te hoê apooraa, e aore râ, i te hoê noa iho rururaa no te *ekalesia paatoa*, e na muri i te apooraa hopea tei haapaohia e te mau aposetolo i Ierusalema ra, aita atura e apooraa i haapaohia ra no te ekalesia taatoa, no na cenetere matamua e toru ra.

Na hea te mau haapiiraa tumu o te ekalesia i taua area iti rahi ra? Na vai te mau taata i faaafaro no nia i te mau tiaturiraa hapehape tei tupu ê mai na i te tau a ora noa'i te mau aposetolo ra? Te ora noa ra te mau tia i no tera vahi e tera vahi, aita râ ta ratou hoê noa iho mana no te faatereraa i te ekalesia atoa. Ua horoa te Atua i te mau heheuraa i te mau aposetolo, oia hoi te mau taata i faataahia i nia'e i te ekalesia taatoa. Aita roa te Atua i horoa i te mau heheuraa no te ekalesia atoa i te mau taata mana no te hoê noa iho vahi. Aita â hoi te Bibilia i neneihia'tura, aita roa to ratou e ravea no te tapearaa i te mau haapiiraa a Iesu.

E no reira, haamata a'era te mau taata i te ruri-ê-haere i te mau oro'a mo'a, mai te baptizoraa e te tuuraa i te rima. Matau atura ratou i te fariiraa i te baptizoraa tei ravehia e te taata tei ere roa i te hoê a'e mana, e te baptizoraa tei ravehia e te mau taata tei ore â i ô i roto i te ekalesia na roto i te baptizoraa. Piahia'tura te parau poroi e, "e ere tei te taata tei rave i te oro'a, e aore râ to'na ra tura te tiaraa o te oro'a baptizoraa. Tei te haapaoraa râ i te oro'a mai te au i te mau peu i tamauhia ra." Riro ihora te mau horoaraa o te varua ra, ei mea varavara roa. E aita i maoro a'era, moe roa'tura taua tapao rahi e te papu roa no te Ekalesia mau ra. (Mareko 16:16-18) Riro atura te Ekalesia a Iesu Mesia ei ekalesia mana ore, tei ere roa i te ite mau o te Varua ra, tei fafaubia mai e Petero ra. (Ohipa 5:29-32.)

Oia mau, aita atura e "ite mau" i reira, te faaite mai e, o Iesu ia te Mesia, no te mea, ia ore ana'e te horoaraa o te Varua Maitai, aita e taata te tia ia parau mai [ma te ite mau] e o Iesu ia te Mesia mau. [Korinetia 2, 12:3] No reira i te taime i faatupuhia'i te hoê apooraa rahi a te mau episekopo ra, a tia mai ai te niraa e, "na hea te ekalesia mau e itehia'i?" i taua taime ra, ua itehia te hurn mau o te ekalesia mana-ore tei toe mai, na muri iho i te poheraa o te mau aposetolo ra. I te taime i tuuhia'i taua niraa ra i mua ia ratou, aita ratou i pahono mai, mai ia Petero ra, e "Ei ite hoi matou no'na i taua mau parau nei, E TE VARUA MAITAI ATOA." Ua parau maira râ ratou, e itehia te ekalesia mau na roto i te imiraa i na tapa'o e maha, oia hoi, "te Hoêraa, te Mo'araa, te Katorikaraa e te Apotororaa." E mau mea e tia ia mârôhia taua na tapa'o ra, area te ite o te Varua Maitai râ, e tupuraa ia i nia iho i te taata iho, ma te vaiiho mai i te hoê ite papu roa tei ore roa e tia ia mârôhia no nia ia Iesu e te tiaraa o Ta'na iho Ekalesia Mo'a ra. O taua ite papu roa ra ia te tapa'o mau no te Ekalesia a Iesu Mesia. [Mataio 16:15-18; Galatia 1:11-12]

Oia mau â, faaea roa'tura te mau horoaraa o te varua. Aita atura e ururaa, aita atura e aratairaa i te ekalesia, tei riro ei aratai no ô mai te Atua ra. Na hea atura e roaa te tahoêraa ia ratou, ia tupu mai ana'e te hoê amahamaharaa i rotopu i te mau taata faatere, no nia i te ohipa a te ekalesia? Aita atura i tia ia ratou ia parau, mai ia Petero, a na o mai ai oia e, "E mea maitai i te Varua Maitai e ia matou atoa nei hoi", i te taime i mârô mai ai, te mau taata no nia i te ohipa a te peritomeraa i te mau melo o te ekalesia. [Ohipa 15:28] Aita atura e mana i reira i nia'e i te ekalesia taatoa no te faatupuraa i te hoê apooraa o te mau feia faatere. Aita roa te mau taata i roto i te ekalesia i taua tau ra i ite i te pahonora no taua fifi rahi roa ra.

E no reira ua faaea noa ratou ma te tupu noa te mau haapiiraa ruri-ê-hia i te rahi, tae noa'tu i te taime i mana'o-hia e te taata faatere rahi no Roma, o Constantine, e ua riro te mau amahamaharaa e te mau mârôraa ei tafifiraa i te ta-hoêraa o te pae politica ra o te fenua, i reira i faatupu-faahou-hia'i te hoê apooraa na te ekalesia atoa, e teie taata faatere hau tei ore i bapetizohia, oia te faatere rahi i roto i te mau haamoriraa etene. Ua parahi maite oia i roto i te mau ohipa atoa o taua apooraa ra, ma te faaite hua i to'na iho mau hinaaro no nia iho i te mau faaotiraa ohipa, e ia oti ana'e taua mau faaotiraa ohipa ra, na'na hoi ratou i haapao ei mau ture no te fenua ra.

No na Cenetere e maha i muri iho i te reira, ua faatupu-noa-hia ra te mau apooraa rahi a te ekalesia ra, e te mau taata faatere hau no Roma ra. Ua faaotihia te mau haapiiraa tumu tei mârôhia i tera taime e i tera taime e taua mau apooraa ra, na roto i te aparauraa e te mârôraa hoi, e mai te au hoi i te hinaaro o te taata faatere no te hau Roma, no te mea o oia iho â ia tei faatupu i taua mau apooraa ra. Ua faaoti-noa-hia te mau mea atoa mai te au i to'na ra mau hinaaro tei tani-noa-hia i tera taime e i tera taime, tae noa'tu i te taime ta ratou i pahono ai e "e" i te hoê uiraa, ia auraro-hia to'na hinaaro, e na muri a'e i te reira, ia tani-hia ana'e to'na mana'o, pahono ihora ratou "aita" I TAUU IHO UIRAA RA, ia auraro-maite-hia taua taata faatere hau ra i te mau taime atoa. No reira, ua faatupu-noa-hia taua mau apoorao rahi ra e te faatereraa hau, ia vai noa te fenua Roma mai te hau e te peapea ore, e no reira ua faaore noa ra te mau faatere hau i te aehuehuraa no nia i te mau haapiiraa tumu o te ekalesia na roto i te faahepo e te haava i te mau melo o taua mau apooraa ra. Na teie mau taata no te paeau o te faatere hau i faatere noa i te papairaa o te mau haapiiraa tumu o te ekalesia. I te mau taime matamua ra, ua faaputubia te mau apooraa i Roma ra. E noa'tu e, ua

riro te oire "Constantinople ra" [oia hoi te oire pû no te mau fenua o te too'a o te râ] ei oire ma te tiaraa maitai i roto i te ekalesia, noa'tu i te reira, tae roa'tu i te matahiti e 1123, aita â i faatupuhia te hoê apooraa i taua oire rahi ra. Ua tupu noa taua oire ra, i te rahi e i te tiaraa puai i roto i te ekalesia ra, e ua tupu atoa ra, te feii e te au-ore i ropu i te mau taata i reira ra, e to Roma. No reira noa'tu e, ua vai tahoêhia taua na oire e piti ra, ua tupu ê mai na te peapea i ropu ia raua, e i te matahiti 1054 i faataa roa'i raua te tahi i te tahi. Ua tapu-ê-hia te episekopo no Roma o tei apee atu ia'na ra i te "ekalesia," e te Patereareha no Constantinople, oia atoa, ua tapu-ê-hia te Patereareha no Constantinople e o te apee atu ia'na ra i te "Ekalesia" e te episekopo no Roma. No reira, ua tapu-ê na ekalesia a te taata nei, tei ere i te mana o te Atua, te tahi i te tahi.

Tuatihia i teie ava'e i mua nei

Timi Orometua

Te Mau I'oa o te Mau Taata i Faafariuhia Mai e tei
Bapetizohia, Mai te Mau Mahana Matamua no
Me e Tae Roa Mai i teie Taime.

Te 1 no Me:	Ema Olka â Tuia	Amaa Paea, Tahiti
	Tuarau â Tuia	" " "
Te 12 no Me:	Remi Tane â Mataoa	Papeete Amaa Tahiti
	Caroline Tu Rogomaroto â Ragivaru	" "
	Nora Vanaa â Colombani	Papeete A. Farani
	Exora Germaatne â Apa	" " "
Te 21 no Me:	Tiare Rejane â Terooatea	A. Avera Raiatea
Te 28 no Me:	Elie â Hauata	Papeete Amaa Tahiti
	Teina â Taataura	Amaa Papenoo Tahiti
Te 29 no Me:	Iuda â Hurupa	Papeete Amaa Tahiti
Te 2 no Tiunu:	Vahinetua â Teuri	Papeete Amaa Farani
	Mahinueuri â Teuri	A. Papenoo Tahiti
Te 4 no Tiunu:	Makori â Kapikura	Papeete A. Farani
	Henri â Terorotua	" " "

Te 5 no Tiunu: Tainoa â Noho Amaa Haapu Huahine
 Tehaupuaura â Noho " " "
 Valentin Teupoorautuaiahuroa a Temaiana " "

Te mau Faatoroaraa:

Te 1 no Me:

Amaa Farani Papeete:	Ua faatoroahia o Nephi â Hutihuti ei Haapii
Amaa Papenoo Tahiti:	Ua faatoroahia o Tauî â Punu ei Haapii

Te 8 no Me:

Amaa Papenoo Tahiti:	Ua faatoroahia o Tevivirau â Teuri ei Diakono
Amaa Vaiaau Raiatea:	Ua faatoroahia o Elisaia â Manari ei Haapii e o Henri â Tihopu ei Diakono
Amaa Paea Tahiti:	Ua faatoroahia o Tuarau â Tuia ei Diakono

Te 15 no Me:

Amaa Farani Papeetē: Ua faatoroahia o Albert â
Mahaa e o Claude Raymond
Monire â Maire ei Diakono

Te 15 no Me:

Amaa Makatea: Ua faatoroahia o Luc â Pirato
 ei Diakono

Te 22 no Me:

Amaa Farani Papeete: Ua faatoroahia o Noel â
Hoffman ei Haapii

Te 5 no Tiunu:

Amaa Farani Papeete: Ua faatoaroahia o Iosepha a
Parker ei Haapii

Te 12 no Tiuru;

Amaa Farani Papeete: Ua faatoroahia o Eugène â
Wong Peresibutero

PARAU RII APÎ

I teie na ava'e i mairi roa'enei,, na haere te hoê o na melo o te tino ahuru mapiti aposetolo i Paratane e Antaralia no te faanahoraa i na "TITI" matamua i te reira na fenua e piti. I Paratane ra, ua ta afa hia te misioni i reira, ma te faanaho i te hoê misioni apî.

I teie matahiti i mairi a'enei ua bapetizohia e 1,404 taata apî i roto i taua fenua ra. E tuuhia e 2,000 e tiahapa melo i roto i te TITI apî i Paratane, e e tuuhia e 4,000 i roto i te misioni apî, a taa ê noa'tu ai i te mau melo e rave rahi i roto i te misioni tahito. I Antaralia ra, e tuuhia e 2,000 e tiahapa melo i roto i to ratou TITI apî, ma te vaiiho i te mau melo e 4,000 e tiahapa i roto i na misioni e piti e vai ra i reira.

TE TAUTURU NEI TATOOU I TE ATI I CHILI

I te 31 no Me ua farii te Peresideni O Davida O. Make i te hoê pŭpŭ taata CHILI no te Apooraa Rahi [SENAT] o taua fenua ra, o tei haere i ROTO MITI no te faaite atu ia'ua i to ratou mauruuru no te mau ohipa tauturu ta te Ekalesia i horoa'tu i to CHILI tei roohia i teie ati aueueraa fenua. Ua haapono hia'enei e te Ekalesia te tahi mau afata o tei faaî hia i te mau mea mai te mau baraitete, te mau ahū mahanahana, e te mau raau ma'i, o tei tae i te 16 tane te faito o te rahiraa, i CHILI.

Ua ino hoi te tahi pae o te mau fare o te mau melo o te Ekalesia i reira, aita râ e taata no te Ekalesia tei faaitohia i nia i te mau tabula no tei pepe e tei pohe. E mea maitai atoa te mau Orometua i reira, [te vai ra e 68 Orometua i roto i taua misioni ra] Ua faataahia hoê ahuru o ratou no te rave i te mau ohipa tauturu i roto i te vahi tei ino roa'tu i te mau vahi atoa i reira. Ua haere atoa na Orometua e pae na muri iho i te pŭpŭ Taote i te hoê oire, e te rave nei te tahi Orometua i te ohipa auvaha no te fare ma'i i te tahi oire. I te hoê oire te vai nei te tahi mau melo o te Ekalesia o tei ino to ratou mau fare, te vai nei râ, e maha Orometu o te tauturu nei i

te mau taata i reira, e te faaea nei te tahi mau taata i roto i te fare pureraa a te Ekalesia o tei ore i ino i te aueueraa fenua. I teie ava'e Tiinu nei ua haere te hoê o na Aposetolo 12 i te hoê apooraa rahi i te oire pû o te Hau Marite. Ua tairuru mai te mau taata faatere no te "satauroutente" e te tahi atu â mau taiete tauturu e rave rahi i reira ia feruri no te mau ravea ia tauturu i to CHILI. I muri rii a'era i to taua aposetolo ra ho'iraa mai, na taua apooraa maira, ua ani mai te Peresideni o te Ekalesia i te mau melo o te Ekalesia i te mau vahi atoa o te ao nei, ia horoa mai i te moni e haamana'ohia e ratou no te tauturu i te mau taata o tei roohia i teie ati aroha.

Te Hohoa No Ta Tatou Ve'a Te Piha Haapiiraa Misionare Poro Evanelia.

Te hoê pupu misionare teie i roto i teie piha haapiiraa o te fare misionare i Roto Miti. I reira te mau misionare e haere ai no te haapii i te mau haapiiraa tumu o te evanelia no te hoê noa iho hebetoma hou ratou e haere atu ai i tera fenua e tera fenua. Te haere nei te mau misionare no te mau haapaoraa i te mau fenua "Etene." Te haere nei râ te mau misionare no teie nei ekalesia i te mau fenua atoa e te mau taata atoa, noa'tu e, tei roto ratou i te tahi haapaoraa Kerisitiano, no te mea, ua ite to teie nei ekalesia e, ua faaho'ihia mai te evanelia mau a Iesu Mesia i te fenua nei, e e mea taa ê roa hoi taua evanelia ra i te mau haapiiraa a te mau haapaoraa atoa, no reira te tiaturi nei te meloraa o teie ekalesia e, ia poro mau â ratou i taua evanelia ra i te mau taata atoa e tia. E tia i te mau melo tiamâ o te ekalesia ia maitihia ei misionare no na matahiti e piti e aore ra e piti e te afa. Ia hope ana'e te tau i faataahia no to ratou poro-haere-raa i te evanelia e ho'i ia ratou i to ratou fenua ai'a no te haapao i te mau ohipa o te oraraa nei, e na te tahi mau taata api e mono ia ratou i roto i te mau ohipa poro-haere-raa i te evanelia. Te vai ra i teie nei mahana e 13,000 misionare o te rave nei i taua ohipa ra i te ao taatoa nei.